



Zajednička komisija za ljudska prava,
prava djeteta, mlade,
imigraciju, izbjeglice, azil i etiku
Zajedničko povjerenstvo za ljudska prava, prava djeteta,
mlade, useljništvo, izbjeglice, azil i etiku

Зједничка комисија за људска права,
права дјетета, младе, имиграцију, изbjеглице,
азил и етику

Broj:03/6-50-12-18/09

Datum:5.2.2009.godine

Na osnovu člana 50. Poslovnika Predstavničkog doma Parlamentarne skupštine BiH („Službeni glasnik BiH“, br.33/06, 41/06, 81/06, 91/06 i 91/07) i člana 44. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07), **Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine podnosi**

IZVJEŠTAJ O RADU ZAJEDNIČKE KOMISIJE ZA LJUDSKA PRAVA, PRAVA DJETETA, MLADE, IMIGRACIJU, IZBJEGLICE, AZIL I ETIKU ZA 2008. GODINU

1. Uvodne napomene

Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine (u daljnjem tekstu: Zajednička komisija) je stalno radno tijelo. Njena nadležnost regulirana je odredbama člana 59. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07) i člana 53. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07).

Na 12. sjednici Zajedničke komisije, održane 24.4.2008., poslanik Denis Bećirović napustio je sjednicu obavjestivši članove Zajedničke komisije da ne želi više biti njen član.

Predstavnički dom Parlamentarne skupštine je na 32. sjednici, održanoj 9.7 i 14.7.2008., za člana Zajedničke komisije, umjesto Denisa Bećirovića, imenovao poslanika Mirjanu Malić.

Zajednička komisija je u 2008. godine održala deset sjednica, i to:

- 8. sjednicu 29.1.2008.;
- 9. sjednicu 4.2.2008.;
- 10. sjednicu 17.3. i 9.4.2008.;
- 11. sjednicu 9.4.2008.;
- 12. sjednicu 24.4.2008.;
- 13. sjednicu 26.6.2008.;
- 14. sjednicu 30.7.2008.;
- 14. sjednicu 30.7.2008.;
- 15. sjednicu 16.10.2008.;
- 16. sjednicu 18.11.2008.

Zajednička komisija je u izvještajnom periodu održala i **dvije posebne sjednice**, i to:

- 29.8.2008. posebnu sjednicu povodom obilježavanja 30. augusta, Međunarodnog dana nestalih lica;
- 10.12.2008. posebnu sjednicu povodom obilježavanja 10. decembra, Međunarodnog dana ljudskih prava.

Ured sekretara Zajedničke komisije, je u skladu s članom 8.stav (3) Odluke o osnivanju Vijeća nacionalnih manjina BiH („Službeni glasnik BiH“, br. 38/06 i 93/08), obavljao stručne i administrativne poslove za potrebe Vijeća nacionalnih manjina BiH.

Vijeće nacionalnih manjina BiH je u 2008. godini održalo četiri sjednice, i to:

- konstituirajuća sjednica 21.4.2008.;
- 2. sjednica 10.6.2008.;
- 3. sjednica 8.9.2008.;
- 4. sjednica 31.10.2008.

Na konstituirajućoj sjednici Vijeća nacionalnih manjina BiH, održanoj 23.4.2008.godine., koju su sazvali predsjedavajući oba doma Parlamentarne skupštine BiH, za predsjedavajućeg Vijeća izabran je Nedžad Jusić (Rom), a za njegove zamjenike Marija Grbić (Slovenka) i Vasilija Ibrahimagić (Makedonka).

Na osnovu člana 6. Odluke o osnivanju Vijeća nacionalnih manjina BiH, urađen je Prijedlog Poslovnika o radu Vijeća nacionalnih manjina BiH, koji će biti usvojen na sjednici Vijeća, a stupit će na snagu nakon davanja saglasnosti Parlamentarne skupštine BiH.

2. Aktivnosti Zajedničke komisije tokom 2008. godine

a. Zakonodavne aktivnosti

Zakon o kretanju i boravku stranaca i azilu (predlagač: Vijeće ministara BiH);

Vijeće ministara BiH uputilo je, 3.1.2008., u parlamentarnu proceduru Prijedlog zakona o kretanju i boravku stranaca i azilu. Zajednička komisija je, kao nadležna, na 9. sjednici, održanoj 4.2.2008., razmatrala i jednoglasno usvojila principe Zakona te Prijedlog zakona uputila u daljnju zakonodavnu proceduru.

Oba doma razmatrala su i usvojila Prijedlog zakona u prvom čitanju.

Zajednička komisija je na 10.sjednici, održanoj 17.3.2008., razmatrala Prijedlog zakona u drugoj fazi, te raspravljala o amandmanima koje su uložili delegati Alma Čolo i Zoran Koprivica. Nakon provedene rasprave u cjelini i pojedinostima o Prijedlogu zakona, Zajednička komisija jednoglasno je prihvatila Prijedlog zakona o kretanju i boravku stranaca i azilu, sa usvojenim amandmanima, te Predstavničkom domu i Domu naroda predložila njegovo usvajanje.

Zakon o kretanju i boravku stranaca i azilu Predstavnički dom usvojio je na 26. sjednici, održanoj 2., 3. i 10. aprila 2008., a Dom naroda na 16. sjednici, održanoj 16.4.2008.

Zakon o izmjenama i dopunama Zakona o Službi za poslove sa strancima (predlagač: Vijeće ministara BiH).

Vijeće ministara BiH uputilo je, 3.1.2008., u parlamentarnu proceduru Prijedlog zakona o izmjenama i dopunama Zakona o službi za poslove sa strancima. Zajednička komisija je, kao nadležna, na 9. sjednici, održanoj 4.2.2008., razmatrala i jednoglasno usvojila principe Zakona te Prijedlog zakona uputila u daljnju zakonodavnu proceduru. Oba doma razmatrala su i usvojila Prijedlog zakona u prvom čitanju.

Zajednička komisija je na 10. sjednici, održanoj 17.3.2008., razmatrala Prijedlog zakona u drugoj fazi te raspravljala o amandmanima koje je uložio delegat Zoran Koprivica. Nakon provedene rasprave u cjelini i pojedinostima o Prijedlogu zakona, Zajednička komisija jednoglasno je prihvatila Prijedlog zakona o izmjenama i dopunama Zakona o službi za poslove sa strancima., sa usvojenim amandmanima, te Predstavničkom domu i Domu naroda predložila njegovo usvajanje.

Zakon o izmjenama i dopunama Zakona o službi za poslove sa strancima Predstavnički dom usvojio je na 26. sjednici održanoj 2., 3. i 10. aprila 2008., a Dom naroda na 16. sjednici održanoj 16.4.2008.

Kodeks ponašanja za poslanike i delegate u Parlamentarnoj skupštini BiH

Zajednička komisija je, u svojstvu nadležne komisije, na 10. sjednici, održanoj 17.3.2008., razmatrala Prijedlog kodeksa u drugoj fazi. Konstatirano je da su na Prijedlog kodeksa, u roku utvrđenom u poslovnicima, amandmane uložili: poslanik Jerko Ivanković Lijanović i delegat Dušanka Majkić, dok je delegat Drago Ljubičić odustao od predloženih amandmana. Nakon provedene rasprave u cjelini i pojedinostima o Prijedlogu kodeksa, Zajednička komisija usvojila je amandmane koje je predložila delegat Dušanka Majkić.

Na 26. sjednici, 2. i 3. aprila 2008., Predstavnički dom razmatrao je Prijedlog kodeksa u drugom čitanju. S obzirom da je u raspravi izneseno više konkretnih primjedbi i prijedloga, Kolegij Doma dozvolio je mogućnost ulaganja amandmana na Prijedlog kodeksa u skladu s članom 118. stav (3) Poslovnika (novi aspekti) do 9. aprila 2008., te pozvao Zajedničku komisiju da u datom roku održi sjednicu i razmotri amandmane podnesene po novim aspektima, te Domu podnese svoje mišljenje.

Zajednička komisija je, na 14. sjednici, održanoj 30.7.2008., razmatrala pristigle amandmane na Prijedlog kodeksa ponašanja za poslanike i delegate u Parlamentarnoj skupštini BiH, koje su u ostavljenom roku uložili poslanici: Jerko Ivanković Lijanović, Lazar Prodanović i Momčilo Novaković i delegat Dušanka Majkić, te nakon rasprave, jednoglasno usvojila zaključak kojim od Kolegija Predstavničkog doma, u skladu s članom 111. stav 4. Poslovnika Predstavničkog doma, traži produženje roka za dostavljanje izvještaja, u kojem će Radna grupa koja je radila na izradi Kodeksa izvršiti usklađivanje predloženog teksta Kodeksa sa Zakonom o sukobu interesa u institucijama vlasti BiH i predloženim amandmanima, te izraditi nacrt provedbenog akta.

Zajednička komisija je, na 15. sjednici, održanoj 16.10.2008., jednoglasno prihvatila Prijedlog kodeksa ponašanja za poslanike i delegate u Parlamentarnoj skupštini BiH sa usvojenim amandmanima, te Predstavničkom domu i Domu naroda predložila njegovo usvajanje.

Kodeks ponašanja za poslanike i delegate u Parlamentarnoj skupštini BiH usvojen je na 39. sjednici Predstavničkog doma Parlamentarne skupštine BiH, održanoj 19.11.2008., i na 23. sjednici Doma naroda Parlamentarne skupštine BiH, održanoj 4.12.2008.

Zakon o zabrani, negiranju, minimiziranju, opravdavanju ili odobravanju holokausta, zločina genocida i zločina protiv čovječnosti

Zajednička komisija je na 16.sjednici, održanoj 18.11.2008., ponovo razmatrala principe Zakona o zabrani negiranja, minimiziranja, opravdavanja holokausta, zločina genocida i zločina protiv čovječnosti, predlagača poslanika Ekrema Ajanovića. Sa šest glasova „za“ i dva glasa „protiv“, Zajednička komisija prihvatila je principe predloženog Zakona o zabrani negiranja, minimiziranja, opravdavanja holokausta, zločina genocida i zločina protiv čovječnosti, te Prijedlog zakona uputila u daljnju zakonodavnu proceduru.

Predstavnički dom na 42. sjednici, održanoj 17.12.2008., nije prihvatio Prijedlog zakona o zabrani negiranja, minimiziranja, opravdavanja holokausta, zločina genocida i zločina protiv čovječnosti u prvom čitanju.

Zakon protiv diskriminacije

Zajednička komisija održala je, 29.1.2008., sastanak s predstavnicima Ministarstva za ljudska prava i izbjeglice BiH, Agencije za ravnopravnost spolova BiH, Helsinškog komiteta za ljudska prava BiH i Global Rights s ciljem određivanja predlagača Zakona protiv diskriminacije. Helsinški komitet za ljudska prava BiH izradio je Nacrt zakona protiv diskriminacije, u saradnji s više organizacija iz civilnog sektora.

Na navedenom sastanku usvojen je zaključak da se Zakon protiv diskriminacije hitno stavi u proceduru i da predlagač tog zakona bude Vijeće ministara BiH, odnosno Ministarstvo za ljudska prava i izbjeglice BiH, koje treba uzeti u obzir rad Helsinškog komiteta za ljudska prava BiH na izradi Zakona.

Zakon o izmjenama i dopunama Zakona o zaštiti prava nacionalnih manjina BiH

Zajednička komisija je, na 14. sjednici, održanoj 30.7.2008., u skladu s članom 99. Poslovnika Predstavničkoga doma ("Sl.glasnik BiH", br. 33/06, 41/06, 81/06, 91/06 i 91/07) i članom 92. Poslovnika Doma naroda Parlamentarne skupštine BiH ("Sl.glasnik BiH", br. 33/06, 41/06, 91/06 i 91/07), utvrdila Prijedlog zakona o izmjenama i dopunama Zakona o zaštiti prava pripadnika nacionalnih manjina BiH, te zaključila da ga uputi Parlamentarnoj skupštini BiH na razmatranje po hitnom postupku.

Zakon o izmjenama i dopunama Zakona o zaštiti prava nacionalnih manjina BiH usvojen je na 35. sjednici Predstavničkog doma Parlamentarne skupštine BiH, održanoj 7. i 8.10.2008. i na 22. sjednici Doma naroda Parlamentarne skupštine BiH, održanoj 27.10.2008.

Odluka o izmjenama i dopunama Odluke o osnivanju Vijeća nacionalnih manjina BiH

Zajednička komisija je, na 14. sjednici, održanoj 30.7.2008., u skladu s članom 99. Poslovnika Predstavničkoga doma ("Sl.glasnik BiH", br. 33/06, 41/06, 81/06, 91/06 i 91/07) i članom 92. Poslovnika Doma naroda Parlamentarne skupštine BiH ("Sl.glasnik BiH", br. 33/06, 41/06, 91/06 i 91/07), utvrdila Prijedlog odluke o izmjenama i dopunama Odluke o osnivanju Vijeća nacionalnih manjina BiH, te zaključila da ga uputi Parlamentarnoj skupštini BiH na razmatranje po hitnom postupku.

Odluka o izmjenama i dopunama odluke o osnivanju Vijeća nacionalnih manjina BiH usvojena je na 35. sjednici Predstavničkog doma Parlamentarne skupštine BiH, održanoj 7. i 8.10.2008., i na 22. sjednici Doma naroda Parlamentarne skupštine BiH, održanoj 27.10.2008.

Odluka o dopuni odluke o imenovanju člana Vijeća nacionalnih manjina BiH

Na prijedlog Zajedničke komisije, na 42. sjednici Predstavničkog doma, održanoj 17.12. 2008., usvojena je Odluku o dopuni Odluke o imenovanju člana Vijeća nacionalnih manjina BiH, te je upućena Domu naroda na usvajanje.

Inicijativa poslanika Denisa Bećirovića u vezi s pripremom Zakona o zabrani svih neofašističkih organizacija i upotrebe njihovih simbola, uključujući zabranu ustaških i četničkih organizacija, kao i onih koje se oslanjaju na tradiciju Handžar-divizije

Na 11 sjednici, održanoj 9.4.2008., Zajednička komisija je, u svojstvu nadležne komisije, razmatrala Inicijativu poslanika Denisa Bećirovića da Predstavnički dom Parlamentarne skupštine BiH zaduži Vijeće ministara BiH da izradi i Parlamentarnoj skupštini BiH dostavi tekst Zakona o zabrani svih neofašističkih organizacija i upotrebe njihovih simbola, uključujući zabranu ustaških i četničkih organizacija, kao i onih koje se oslanjaju na tradiciju Handžar-divizije, najkasnije u roku od šest mjeseci od dana usvajanja pomenute inicijative.

Nakon rasprave, Zajednička komisija nije prihvatila Inicijativu poslanika Denisa Bećirovića. Predstavnički dom Parlamentarne skupštine BiH na 28. sjednici, održanoj 29.4.2008., nije usvojio Inicijativu Denisa Bećirovića, ali je, na prijedlog klubova, usvojio zaključak kojim se zadužuje Vijeće ministara BiH da pripremi zakon o zabrani svih neofašističkih organizacija i upotrebi njihovih simbola.

3. Aktivnosti vezane za razmatranje i usvajanje ostalih akata

Razmatrani akti

U periodu januar-juni 2008. godine Zajednička komisija razmatrala je određene akte koji nisu zakonodavnog karaktera. Zajednička komisija razmatrala je, usvojila i primila k znanju sljedeće akte:

1. Izvještaj o radu Zajedničke komisije za 2007. godinu;
2. Razmatranje Prijedloga radnog plana za 2008. godinu;
3. Razmatranje izvještaja o radu Državne komisije za reviziju odluka o naturalizaciji stranih državljana BiH za period od 1.3.2006. do 31.12.2007.;
4. Upoznavanje o dopisu Ministarstva za ljudska prava i izbjeglice BiH u vezi sa slučajem „Alžirska grupa“;
5. Izvještaj o posjeti delegacije Parlamentarne skupštine BiH Republici Srbiji;
6. Razmatranje izvještaja UNICEF-a o procjeni uticaja mogućih povećanja cijena električne energije na djecu i omladinu u BiH;
7. Upoznavanje sa Strategijom protiv maloljetničke delinkvencije u Bosni i Hercegovini za period 2006.-2010. godina;
8. Upoznavanje s dopisom Ustavopravne komisije Doma naroda Parlamentarne skupštine BiH, broj: 02/1-50-1-12-17/07, od 18.2.2008.;
9. Izvještaj Helsinškog komiteta za ljudska prava u BiH o stanju ljudskih prava u Bosni i Hercegovini za period januar-decembar 2007. godine;
10. Razmatranje inicijative Centara civilnih inicijativa za izmjenu izbornog zakona BiH;
11. Razmatranje zaključaka iznesenih u raspravi na 24. sjednici Predstavničkog doma Parlamentarne skupštine BiH, održane 18. i 19. marta 2008., povodom Informacije Vijeća ministara BiH o

- aktivnostima u vezi s formiranjem i radom Komisije za ispitivanje istine o stradanju Srba, Hrvata, Bošnjaka, Jevreja i ostalih u Sarajevu u periodu od 1992. do 1995. godine;
12. Imenovanje člana Interresorne ekspertne radne grupe za izradu Strategije prevencije i borbe protiv nasilja u porodici, nasilja na osnovu spola, seksualnog uznemiravanja i uznemiravanja u Bosni i Hercegovini;
 13. Imenovanje člana Upravnog odbora Memorijalnog centra Srebrenica-Potočari spomen-obilježje i mezarje za žrtve genocida iz 1995. godine;
 14. Razmatranje zaključaka i preporuka Centara civilnih inicijativa (CCI) za sistemski rješenja na aktivnostima o procesuiranju ratnih zločina u Bosni i Hercegovini;
 15. Razmatranje izvještaja o posjeti članova Zajedničke komisije za ljudska prava, prava djeteta, mlade, imigraciju, izbjeglice, azil i etiku zatvoru Zenica i zavodima za mentalno invalidna lica Drin i Bakovići;
 16. Razmatranje izvještaja o radu Državne komisije za reviziju odluka o naturalizaciji stranih državljana BiH za period od 1.1.2008. do 31.6.2008.;
 17. Razmatranje Prijedloga za kandidiranje predstavnika crnogorske nacionalne manjine u članstvo Vijeća nacionalnih manjina BiH;
 18. Upoznavanje s pismom gosp. Thomasa Hammarberga, komesara za ljudska prava u Vijeću Evrope;
 19. Razmatranje Regionalne koordinacije udruženja porodica nestalih lica u vezi s obraćanjem Parlamentarnoj skupštini BiH;
 20. Razmatranje Informacije ombudsmena za ljudska prava BiH o trenutnom statusu Institucije ombudsmena za ljudska prava BiH;
 21. Razmatranje Preporuke ombudsmena za ljudska prava BiH.

Predstavke građana i institucija koje su se obratile Zajedničkoj komisiji

Prema odredbama člana 59. Poslovnika Predstavničkog doma Parlamentarne skupštine BiH („Službeni glasnik BiH“, br.33/06, 41/06, 81/06, 91/06 i 91/07) i člana 53. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07), Zajednička komisija razmatra prijedloge koje dostave građani, uz obavještanje podnosioca o ishodu, i peticije u vezi s povredama ljudskih prava i osnovnih sloboda, usvajajući odgovarajuće mjere i obavještavajući podnosioca i domove o usvojenim odlukama. U 2008. godine Zajednička komisija je, u skladu sa svojim nadležnostima, razmatrala i adekvatno djelovala u 20 predmeta.

Ostale aktivnosti Zajedničke komisije

Zajednička komisija održala je nekoliko sastanaka s različitim organizacijama i institucijama iz oblasti zaštite ljudskih prava radi sagledavanja stanja na tom polju, poboljšanja njihove zaštite, načina za prevazilaženje određenih kršenja ljudskih prava i razmjene iskustava s organizacijama i institucijama koje se bave ovim pitanjem.

Realizirani su sljedeći sastanci i posjete:

- 17.1.2008.- radna posjeta predstavnika Zajedničke komisije Vladi Republike Srbije, Narodnoj skupštini Republike Srbije i gosp. Iliji Jurišiću;
- 29.1.2008. - sastanak s predstavnicima Ministarstva za ljudska prava BiH, Agencijom za ravnopravnost spolova BiH i Helsinškog komiteta za ljudska prava u BiH;
- 20.3.2008. - sastanak s predstavnicima OSCE-a;
- 25.3.2008. - sastanak s delegacijom Savjetodavnog komiteta Vijeća Evrope za provođenje okvirne konvencije za zaštitu nacionalnih manjina;
- 29.3.2008. - obilazaka zatvora u Bosni i Hercegovini, psihijatrijskih ustanova i domova za socijalnu zaštitu: Zavoda zatvorenog tipa u Zenici, Zavoda za mentalno invalidna lica „Drin“ u Fojnici i Zavoda za zbrinjavanje invalidnih i mentalno invalidnih lica Bakovići,
- 31.3.2008. - Okrugli sto sa članovima Parlamenta Velike Britanije;
- 11.4.2008.- promocija projekta „Zajedno do ravnopravnosti spolova“- Helsinški komitet za ljudska prava u BiH, Global rights, „Ba-Be“;
- 23.4.2008.- konstituirajuća sjednica Vijeća nacionalnih manjina BiH;
- 13.5.2008.- sastanak s povjerenikom za ljudska prava i humanitarnu pomoć Bundestaga;
- 27.5.2008. - sastanak s predstavnicima OSCE-a (izrada provedbenog akta za Kodeks);
- 3.6.2008. - sastanak s Radnom grupom UN-a o pitanjima AIDS-a u BiH;
- 10.6.2008. - 1. sjednica Vijeća nacionalnih manjina BiH;
- saradnja sa institucijama vlasti BiH, nevladinim i međunarodnim organizacijama;
- obilježavanje najznačajnijih međunarodnih datuma koji se tiču nadležnosti Zajedničke komisije.
- 17.7.2008.- sastanak članova Zajedničke komisije s Eminom Kečo Isaković, novoimenovanim ambasadorom BiH u Ženevi;
- 29.7.2008. - sastanak Vijeća nacionalnih manjina BiH;
- 1.8.2008.- sastanak s predstavnicima Međunarodnog instituta za nestala lica (ICMP);
- 25.8.2008. - sastanak sa predstavnicima Međunarodnog instituta za nestala lica (ICMP), Međunarodnim crvenim križom i Vijećem Evrope;
- 8.9.2008. - sastanak s predstavnicima Vijeća nacionalnih manjina BiH;
- 11.9.2008. - 3. sjednica Vijeća nacionalnih manjina BiH;
- 10.10.2008.- sastanak Radne grupe za Kodeks ponašanja za poslanike i delegate Parlamentarne skupštine BiH (razmatranje amandmana na Kodeks);
- 21.10.2008.- Okrugli sto o temi: „ Iskorjenjivanje trgovine ljudima kao politički prioritet: Uloga parlamentaraca“;
- 9., 10. i 11. novembar 2008. - učešće u Petoj regionalnoj radionici za parlamentarke „ Briga o djeci u JIE i EU“, koji je održan u Zagrebu, u organizaciji GTF-a.;
- 13. i 14. novembar 2008. - Konferencija „Zakon o ravnopravnosti spolova u Bosni i Hercegovini dosadašnja praksa i budući koraci“, održana u Fojnici
- 20.12.2008. - sastanak s predstavnicima OSCE-a (izrada provedbenog akta za Kodeks);
- 28., 29. i 30. novembar 2008. - učešće u radu „XI. regionalne konferencije umrežavanja po pitanju nestalih lica“, koja je održana u Beogradu;
- 12. i 13. decembar 2008.godine - Javna rasprava o Nacrtu strategije za prevenciju i borbu protiv nasilja u porodici održana na Jahorini;
- saradnja s institucijama vlasti BiH, nevladinim i međunarodnim organizacijama;
- obilježavanje najznačajnijih međunarodnih datuma koji se tiču nadležnosti Zajedničke komisije.

Rezime

Na osnovu navedenih aktivnosti, može se zaključiti da je Zajednička komisija uspješno realizirala postavljene zadatke u 2008.godini.

Za uspješniji rad Zajedničke komisije potrebno je osigurati kancelarijski prostor, što će biti realizirano u narednom periodu.

Predsjedavajući komisije
Sadik Ahmetović